

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 231523 23 St
Zenica, 05.03.2024. godine

Općinski sud u Zenici, stečajni sudija Amela Sinanović, u prethodnom postupku za utvrđivanje uvjeta za otvaranje stečajnog postupka nad stečajnim dužnikom Društvo za proizvodnju, promet, trgovinu i usluge SERBEZ d.o.o. Zavidovići, nakon održanog ročišta za utvrđivanje uvjeta za otvaranje stečajnog postupka održanog dana 05.03.2024. godine u prisustvu likvidatora Karahasanović Samira, advokat iz Zenice i povjerilaca, dana 05.03.2024. godine, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva uplate predujam za obezbijedenje troškova stečajnog postupka u iznosu od 3.000,00 KM, na depozitni račun ovoga suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne uplate predujam sud će po prijedlogu privremenog stečajnog upravnika zaključiti stečajni postupak nad društvom SERBEZ d.o.o. Zavidovići, matični broj subjekta upisa 43-01-0407-19, te naložiti brisanje ovog društva iz sudskog registra.

O b r a z l o ž e n j e

Rješenjem ovog suda broj 43 0 L 211745 22 L od 17.01.2023. godine određeno je provođenje likvidacionog postupka nad društvom SERBEZ d.o.o. Zavidovići, a za likvidatora je imenovan Karahasanović Samir, advokat iz Zavidovića, koji je na ročištu za ispitivanje uslova za zaključenje likvidacionog postupka održanom dana 05.06.2023.godine podnio prijedlog za provođenje stečajnog postupka, nad navedenim privrednim društvom, nakon što je utvrđeno da likvidacioni postupak nije moguće zaključiti, jer društvo ne raspolaže sa imovinom, iz koje bi se mogla namiriti prijavljena potraživanja.

Na ročištu za ispitivanje uvjeta za otvaranje stečajnog postupka, likvidator je izjavio da je tokom likvidacionog postupka utvrđeno da društvo SERBEZ d.o.o. Zavidovići je platežno nesposobno, da nije u mogućnosti ispunjavati svoje dospjele obaveze, da je račun društva blokiran. Ističe da društvo ima obaveze prema povjeriocima Porezna uprava FBiH, KPO Zenica u iznosu od 3.727,53 KM, Federalnom zavodu PIO/MIO Kostar KAS Zenica u iznosu od 826,16 KM i prema povjeriocu UIO RC Sarajevo u novčanom iznosu od 726,49 KM, a koje obaveze su osnovane i iste se ne osporavaju. Likvidator je izjavio da društvo ne posjeduje imovinu iz koje bi se mogli namiriti povjerioci, a što proizilazi iz Uvjerenja MUP-a ZDK, Odsjek za administraciju Zavidovići broj 08-01-02/6-03-7-7-1060/23 od 03.05.2023. godine, Uvjerenja Općinskog suda u Zavidovićima broj 042-0-RZ-23-000 214 od 03.05.2023. godine, Uvjerenja Grad Zavidovići, Služba za upravu geodetskih, imovinsko-pravnih poslova i urbanizma broj 06/6-30-1913/23-1 od 03.05.2023. godine, Potvrda UniCredit Bank d.d. broj ZA01-13-4-22-719 od 13.04.2022. godine, Ovjerene izjave osnivača društva vezano za prodaju teretnog vozila Škoda Praktik koje je društvo prodalo Kovačević Berinu po Fakturi broj 16 od 27.05.2021.godine za novčani iznos od 5.000,00 KM, a novčana sredstva utrošena za redovne obaveze društva, Rješenja Uprave za indirektno oporezivanje, Regionalni centar Sarajevo, broj 04/5-2/II-17-1-UP-I-116-308-2/23 od 02.03.2023. godine. Iz predmetnog Rješenja Uprave za indirektno oporezivanje vidljivo je da je poreski obveznik izdao fakturu broj 16 od 27.05.2021. godine po osnovu koje je izvršena prodaja teretnog vozila Škoda Praktik u iznosu od 5.000,00 KM, a zbog čega je naknadno utvrđen i obračunat

PDV koji je i prijavljen od strane povjerioca Uprave za indirektno oporezivanje. Društvo ne posjeduje gotovinska sredstva u blagajni društva, transakcijski račun društva je blokiran te na istom nema novčanih sredstava iz kojih bi se mogli namiriti povjerioci. Potraživanja predmetnog društva nisu nikada utužena, a društvo nije imalo sredstava da vodi sudske postupke radi naplate istih, pa su takva potraživanja sada zastarjela i ista su nenaplativa. Navodi da postoji razlog za otvaranje stečaja, utvrđena je neplatežna sposobnost dužnika, a kako društvo nema imovine iz kojih bi se namirili troškovi postupka likvidator je predložio da sud pozove povjerioce i zainteresovana lica da predujme troškove vođenja stečajnog postupka u iznosu od 3.000,00 KM. U protivnom, ukoliko niko ne predujmi navedeni iznos, predložio je da sud otvori i istovremeno zaključi stečajni postupak i briše navedeno pravno lice iz evidencije privrednih subjekata.

Kako stečajni dužnik ima obaveze, a nema dovoljno imovine, pa ni za troškove stečajnog postupka, to je sud primjenom odredbe člana 102 st. 7 i 8. Zakona o stečaju („Službene novine F BiH”, broj: 53/21) pozvao povjerioce i zainteresirana lica da uplate predujam za obezbijedenje troškova stečajnog postupka. Visina troškova srazmjerno je određena troškovima stečajnog postupka koji su od strane likvidatora procjenjeni na iznos od 3.000,00 KM.

Slijedom navedenog odlučeno je kao u izreci ovog rješenja primjenom odredbe člana 196. st. 3 Zakona o stečaju, a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda.

POUKA O PRAVNOM LIJEKU:
Protiv ovog rješenja nije
dozvoljena žalba.

STEČAJNI SUDIJA
Amela Sinanović, s.r.